

**SESIÓN EXTRAORDINARIA DO PLENO DA CORPORACIÓN DO DÍA 20 DE
NOVEMBRO DE 2009**

No salón de sesións da casa do Concello de Cambre, ás trece horas do día vinte de novembro de dous mil nove, baixo a presidencia do señor alcalde don Antonio Varela Saavedra, reúnese en sesión extraordinaria, en primeira convocatoria, a corporación municipal en Pleno.

Asisten os señores concelleiros don Jaime Manuel López Lisnier, dona Erundina Prado Arcay, dona Carmen Tato Lago e dona María Beatriz Ramos Padín, do PSdeG-PSOE; don José Antonio Baamonde López, don Nicolás José Cubeiro Martínez, dona María Jesús González Roel, dona María Jesús Vieites Mariñas, don Santiago Manuel Ríos Rama, dona Goretti Pérez Eléxpuru e don Felipe Andreu Barallobre, do PP; don Henrique Xabier Iglesias Oviedo, dona Gumersinda Becerra Montes, don Antón Otero Domínguez e dona Laura Fernández Martínez, do BNG; don Luis Miguel Taibo Casás e don Juan Antonio Fernández López, de EU-IU; e don Manuel Marante Gómez, do PG (GM).

Non asiste, con escusa, don Francisco Javier Varela Tejedor, do PSdeG-PSOE.

Asiste dona M^a Irache Enríquez Albaina, interventora, e dona M^a Luisa de la Red Ampudia como secretaria da corporación.

Aberto o acto pola presidencia, examináronse os asuntos incluídos na orde do día da convocatoria.

1º Toma de coñecemento da renuncia ao cargo de concelleiro presentada por don José Venancio Salcines Cristal

Visto o escrito presentado por don José Venancio Salcines Cristal o 12 de novembro actual, polo que renuncia á súa acta de concelleiro no Concello de Cambre.

Vista a proposta de Alcaldía de data 17 de novembro de 2009, o Sr. alcalde somete a votación a proposta.

Don Nicolás José Cubeiro Martínez, do PP, manifesta que o asunto é tomar coñecemento da renuncia, polo que non se pode votar.

Pola secretaria da corporación se informa que o que se someteu a votación non é tomar coñecemento da renuncia do Sr. concelleiro, senón unha proposta redactada segundo a Instrución de 10 de xullo de 2003, da Xunta Electoral Central, na que, como primeiro punto va a toma de coñecemento da renuncia, e dá lectura a dita Instrución, segundo a cal: “O pleno da entidade local da que forma parte tomará coñecemento dela, remitindo certificación do acordo adoptado á Xunta Electoral Central para os efectos de levar a cabo a substitución, conforme co disposto na Lei orgánica do réxime electoral xeral, indicando o nome da persoa á que, a xuízo da Corporación, corresponde cubrir a vacante.”

A continuación, o Sr. alcalde declara a toma de coñecemento, e non somete a votación a proposta.

Os dezanove concelleiros asistentes á sesión amosaron a súa conformidade á proposta e, para tal efecto:

Primeiro: Tomar coñecemento da renuncia ao cargo de concelleiro do Concello de Cambre, presentada por don José Venancio Salcines Cristal mediante escrito rexistrado de entrada ao núm. 15407 o 12 de novembro actual.

Segundo: De conformidade co establecido no alínea 1 da Instrución de 10 de xullo de 2003, da Xunta Electoral Central, sobre substitución de cargos representativos locais, remitir certificación á Xunta Electoral Central.

2º Toma de coñecemento da renuncia expresa a ser proclamado concelleiro electo presentada por don Roberto Antonio Naveira Filgueiras, e proposta de designación da persoa á que corresponde cubrir a vacante

Visto o escrito presentado por don Roberto Antonio Naveira Filgueiras o 13 de novembro actual, polo que renuncia de forma expresa a ser proclamado concelleiro electo do Concello de Cambre.

Vista a proposta de Alcaldía de data 17 de novembro de 2009.

Os dezanove concelleiros asistentes á sesión amosaron a súa conformidade á proposta e, para tal efecto:

Primeiro: Tomar coñecemento da renuncia expresa a ser proclamado concelleiro electo do Concello de Cambre, presentada por don Roberto Antonio Naveira Filgueiras mediante escrito rexistrado de entrada ao núm. 15513 o 13 de novembro actual, e remitir á Xunta Electoral Central o dito escrito para a súa toma de coñecemento.

Segundo: De conformidade co establecido no artigo 182.1. da Lei orgánica 5/1985, de 19 de xuño, do réxime electoral xeral, e alíneas 1 e 2 da Instrución de 10 de xullo de 2003, da Xunta Electoral Central, respecto da substitución de cargos representativos locais, sinalar á Xunta Electoral Central que o candidato da lista a prol de quen corresponde expedir a credencial acreditativa da condición de electo, atendendo á súa orde de colocación, é dona M^a Ángeles Míguez Mouzo.

E non habendo máis asuntos que tratar, o señor presidente levantou a sesión cando son as trece horas e dez minutos, do que eu, secretaria, certifico.

O presidente

A secretaria

Antonio Varela Saavedra

M^a Luisa de la Red Ampudia